

Dr. Hoffmann.

Graun Professor Sichte

in Bonn

Jahresbericht

über

das Königliche Gymnasium zu Düsseldorf

in dem Schuljahre 1836 — 1837,

mit welchem

zu den öffentlichen Prüfungen am 7. und 8. September

ergebenst einladet

der Director des Gymnasiums

Dr. Fr. Willne

Praefatus est de praecipuis, quae veterum philosophorum de
summo bono fuerunt, sententiis Dr. Guil. Hildebrand. Prof.

Düsseldorf,

gedruckt in der J. C. Dänzer'schen Buchdruckerei. 1837.

100-443886-100

2 1 4 3

and

1990

100

... ..

[illegible]

1. The first group of people who are interested in the study of the history of the United States are the people who are interested in the history of the United States.

COMMENTATIO

DE PRAECIPUIS, QUAE VETERUM PHILOSOPHORUM DE SUMMO BONO FUERUNT, SENTENTIIS.

PARTICULA I.

EXPLICATUR, QUAE FUERINT PLATONIS ET ARISTOTELIS DE SUMMO BONO SENTENTIAE.

Quum omnis auctoritas philosophiae, Cicerone iudice ¹⁾, in beata vita consistat, nemini autem beata ²⁾ vita contingere possit, nisi cui et quale summum ³⁾ bonum sit et quo modo id comparetur, plane perspectum et cognitum ⁴⁾ est, facile apparet, illam philosophiae disciplinam, qua de rebus expetendis ac fugiendis quaeritur, non solum ad cognitionem rerum dignissimam ac liberalissimam, verum etiam ad actionem vitae utilissimam, immo plane necessariam esse ⁵⁾.

Accidit tamen vel sic, ut nobilissima ac pulcherrima haec philosophiae pars, quae, si utilitatem ex ea in humanum genus redundantem spectas, omnium facile princeps est,

- 1) Cf. Cic. de Fin. 5, 5. Sed quum beata vita quaeratur, idque sit unum, quod philosophia spectare et sequi debeat, — in eo nonnunquam variari videtur.
- 2) Cf. Cic. Tusc. 5, 10. Neque ulla alia huic verbo, quum beatum dicimus, subiecta notio est, nisi secretis malis omnibus, cumulata bonorum complexio.
- 3) Cic. de Fin. 3, 7. Sentis enim, credo, me iam diu, quod τέλος Graeci dicunt, id dicere tum extremum, tum ultimum, tum summum. Cf. Beier ad Off. 1, 2. p. 11. 12.
- 4) Plato Sympos. p. 206. a. εἰδέν γε ἄλλο ἐστίν, ὃ ἐρωῶσιν οἱ ἄνθρωποι, ἢ τὴν ἀγαθὴν. (Variae autem vocabuli ἀγαθὸν significationes subtiliter explicuit Baumgarten-Crusius de Philocho Platónico p. 4. Lips. 1809.) Aristot. Ethic. Nicom. 1, 1. πρὸς τὸν βίον ἢ γνῶσις αὐτῆς (τῆς ἀγαθῆς) μεγάλην ἔχει ὁπὴν. Ac Seneca Ep. 95. Proponamus oportet finem summi boni, ad quem nitamur, ad quem omne factum nostrum dictumque respiciat; veluti navigantibus ad aliquod sidus dirigendus est cursus; vita sine proposito vaga est.
- 5) Plato de Rep. VII. p. 519. b. τόδε ἐκ εἰκὸς καὶ ἀνάγκη — μήτε τὰς ἀπαιδεύτους καὶ ἀληθείας ἀπείρους ἱκανῶς ἂν ποτε πόλιν ἐπιτροπεύσαι, μήτε τὰς ἐν παιδείᾳ ἔωμένους διατρέβειν διὰ τέλους, τὰς μὲν, ὅτι σκοπὸν ἐν τῇ βίῳ οὐκ ἔχουσιν ἓνα, ὃ σοχαζομένους δεῖ ἅπαντα πράττειν, ἃ ἂν πράττωσιν κ. τ. λ.

ad nascendi ordinem omnium prope postrema sit⁶⁾. Nam, ut Ionicos philosophos taceam atque Eleaticos, ne Italicos⁷⁾ quidem in ethica disciplina condenda multum profecisse constat; unumque Democritum⁸⁾ diligentius de summo bono quaesivisse recte dixeris. Unde a Socrate⁹⁾ tanquam capite et origine omne fere initium doctrinae subtilioris de moribus repetendum putarim, quem *ἡθολόγον* Sextus Empiricus verissime appellavit. At, quum nullam ipse litteram scripserit, vel propterea auctor scholae cuiusdam vix merito dicendus fuerit. Quare nescio an rectius ac melius disputatio nostra de variis, quae de summo bono fuerunt, sententiis a Platone nobilissimo illo ac clarissimo Academiae auctore ordiatur, cuius philosophiae hoc praecipue obligit, ut, quum caeterae modo a doctissimis quibusque concelebantur enituerint, modo desertae obsoleverint, ipsa pari prope fastigio steterit in utraque fortuna¹⁰⁾. Licet enim multi eius philosophiam non tam doctrinam quandam quam initiationem ad percipiendam virtutem appellandam dictitent¹¹⁾, quippe qui neque principia doctrinae suae bene firmarit et illustrarit, sed ea temere sumserit ac posuerit¹²⁾, et saepe hisdem vocibus alias longeque diversas res significarit¹³⁾, laude tamen illa, qua multa ac varia praecepta vivendi ad disciplinae cuiusdam formam et habitum redegissemper celebratus est, nunquam privabitur.

Nimirum quemadmodum philosophiae Platonicae hoc fuisse propositum abunde constat¹⁴⁾, ut hominibus ad veritatem^{14*)}, immo ad sapientiam¹⁵⁾ deindeque naturae imitatio-

6) Cf. Ruhnkenii Oratio de Graecia, artium ac doctrinarum inventrice p. 68.

7) Cf. Arist. Eth. Magn. I, 1. *πρῶτος μὲν ἐν ἐνεχείρῳσε Πυθαγόρας περὶ ἀρετῆς εἰπεῖν, ἐκ ὁρθῶς δέ. Cf. Brandis Gesch. d. Gr.-Röm. Philosophie T. I. p. 493. Stallbaum Phileb. Proleg. p. 17.*

8) Cf. F. W. Burchard, Fragmente der Moral des Democritus. Minden 1834. De quo Verulamius Opusc. p. 652. Neque Aristotelis pugnae et dimicationes, qui Ottomannorum more de regno suo philosophiae anxius erat, nisi fratres trucidasset, tantum sua violentia, nec etiam Platonis maiestas et solennia tantum reverentia potuerunt, ut philosophiam hanc Democriti delecent.

9) Cf. Disenius, Progr. de philosophia morali in Xenophontis de Socrate commentariis tradita. Götting. 1812. et Kühner de Cic. meritis in philos. p. 138. sq.

10) Ruhnkenius I. I.

11) In iis V. C. van Heusde, Initia philos. Plat. Vol. III. P. I. p. 254.

12) Cf. Stallb. Proleg. in Phileb. p. 85. et 88., ubi monet, non tam docuisse quam sumsisse Platonem, summum bonum in *ἀληθείᾳ, συμμετρίᾳ* et *κἀλλει* ponendum esse.

13) Cf. v. Heusde Vol. II. P. III. p. 103. Stallb. Proleg. in Phileb. p. 95. Wyttenb. Opusc. Vol. II. p. 94. ed. Friedemann. Velut vocabulo *θεός* quatuor easque diversas significationes tribuit, voces autem *εἶδος, ἰδέα, παραδείγματα, ἀγαθόν* diverso modo usurpat.

14) Heusde I. I. Vol. II. P. III p. 4.

14*) Phaedr. p. 249. e. *πᾶσα μὲν ἀνθρώπου ψυχὴ φύσει τεθείεται τὰ ὄντα. De Rep. VI. p. 490. c. ἡγεμένης δὲ ἀληθείας, ἐκ ἧν ποτε, οἶμαι, φαίμεν, αὐτῇ χορὸν κακῶν ἀκολουθεῖν. Cf. Fr. Ammon, Ueber die Wahrheit als höchstes Moralprincip. Götting. 1803 et 1804.*

15) Sapientiam, id est *φρόνησιν*, de qua de Leg. I. p. 631. c. dicit: *ὁ δὲ πρῶτον αὐτῶν θείων ἡγεμονὸν ἔστιν ἀγαθόν, ἡ φρόνησις.*

nem dux esset et magistra, ita neminem in ea philosophia vel mediocriter versatum fegerit, Platonem, quum ideis ¹⁶⁾ tanquam principis suam philosophiam superstrueret, inprimis ab idea boni ¹⁷⁾ aive perfecti specie ac forma profectum esse, quam ipsam ideam boni causam et veritatis et scientiae ¹⁸⁾ appellat, cuiusque omnia, quae nobis bona appareant, esse participia affirmat ¹⁹⁾.

Ideae autem Platonis, quae sint, quum multum ac varie olim quaesitum ac disceptatum sit, tum vel nostra aetate, quales intelligendae sint, ambigitur ²⁰⁾. Equidem cum iis, qui philosophiam Platoniam non leviter pervagati sunt, sed in ea vitae quasi tabernaculum posuerunt, non alias eas esse affirmaverim, quam perfecta quaedam exempla ²¹⁾, quae

16) Timaeus p. 47. c. δωρήσασθαι τε (τὸν θεὸν) ὄψιν, ἵνα τὰς ἐν ἔρανῳ τῇ νῦ κατιδόντες περιόδους, χρῆσαιμεθα ἐπὶ τὰς περιφορὰς τὰς τῆς παρ' ἡμῖν διανοήσεως, συγγενεῖς ἐκείναις ἔσας, ἀταράκτοις τεταραγμένας, ἐκμαθόντες δὲ καὶ λογισμῷ κατὰ φύσιν ὁρθότητος μετέχοντες, μιμῶμενοι τὰς τῷ θεῷ (i. e. κόσμῳ) πάντως ἀπλανεῖς ἔσας τὰς ἐν ἡμῖν πεπλανημένας καταστρησάμεθα. Parmenides p. 132. d. καταφαίνεται μοι ὥδε ἔχειν τὰ μὲν εἶδη ταῦτα ὥσπερ παραδείγματα ἐσάναι τῇ φύσει· τὰ δ' ἄλλα τέτοις εἰκέναι καὶ εἶναι ὁμοιωμάτα. κ. τ. λ. Phaedo p. 99. a. et p. 100. b. cf. Stallb. Proleg. in Phileb. p. 21. 22. 23. Multi temere putant, Platonem sententiam suam de ideis in Parmenide et Philebo exposuisse, Ideoque sublimitatem Platonis ex ipsius scriptis cognoscere cupientes, continuo in hos dialogos involant. Cf. van Heusde Vol. II. P. III. p. 208.

17) De Rep. VI. p. 505. a. ἡ τῇ ἀγαθῇ ἰδέᾳ μέγιστον μάθημα, ἥ δίκαια καὶ τὰλλα προσχρησάμενα χρήσιμα καὶ ὠφέλιμα γίνονται.

18) De Rep. VI. p. 508. e. τῷτο τοίνυν τὸ τὴν ἀλήθειαν παρέχον τοῖς γινωσκομένοις καὶ τῇ γινώσκοντι τὴν δύναμιν ἀποδίδον, τὴν τῇ ἀγαθῇ ἰδέᾳ φάθι εἶναι, αἰτίαν δ' ἐπισήμης ἔσαν καὶ ἀληθείας, ὡς γινωσκομένης μὲν διὰ νῦ.

19) De Rep. VII. p. 517. b. τὰ δ' ἐν ἡμοῖ φαινόμενα ἕτω φαίνεται, ἐν τῇ γνωστῇ τελευταία ἡ τῇ ἀγαθῇ ἰδέᾳ καὶ μόγισ ὁρᾶσθαι, ὁφθεῖσα δὲ συλλογιστέα εἶναι, ὡς ἄρα πᾶσι πάντων αὕτη ὁρθῶν τε καὶ καλῶν αἰτία κ. τ. λ.

20) Cf. v. Heusde, Init. phil. Plat. Vol. II. P. III. p. 74.

21) Idem p. 100. et Ackermann, das Christliche im Plato und in der Platonischen Philosophie. Hamb. apud Perthes 1835. p. 221. ubi haec Ritteri verba affert. Gott kann nicht ärmer seyn, dachte Plato, als die Menschenvernunft. — Und die Productivität Gottes kann nicht schlechter seyn, als die des Menschen. Produciert der Mensch nach Vernunftseinsicht das Beste, so Gott noch viel mehr. Was aber Gottes Vernunft als das Beste denkt, das ist nicht mehr blosser Gedanke — es ist Wesen; und doch ist es andererseits weniger als handgreiflich Wirkliches, es fällt nicht in die Sinne u. s. w. Idem definit eas ita: Nicht einzelne für sich seyende Dinge, Kräfte oder Substanzen sind die Ideen, sondern nur unterscheidbare Bestimmungen in der göttlichen Vernunft, nach welchen das Wahre in den Erscheinungen der Welt und in der Wissenschaft sich ordnet. Cf. Ackermann I. I. p. 186. Der letzte und höchste Grund des Seyns ist das Gute. Die Idee des Guten ist

uti ad cogitandum ac iudicandum, ita ad faciendum aliquid sive informandum necessariae sint. Atque, quum ipsae nonnisi in mundo non adspectabili versari dicantur, nemo, qui in adspectabili mundo versatur, ad cognitionem earum alia via pervenerit, quam totius animi conversione²²⁾ ad boni ideam, quam qui conspexit, contentis rebus humanis in contemplandis divinis rebus occupatus est quam maxime.

Tenendum autem una ac simul est, quum deus²³⁾ ad hanc ideam boni²⁴⁾ mundum procreavit²⁵⁾, eumque hanc ideam semper intuitus atque intuens conservet ac gubernet (mundus autem hic, quem cernimus, simulacrum est alicuius aeterni), fieri²⁶⁾ quidem posse, ut perfecta haec exempla homines imitentur agendo, ut assequantur autem agendo fieri non posse²⁷⁾. In uno enim deo perfectio summa est; licetque homini ad illam in infinitum quidem procedere, attingere autem eam licebit nunquam²⁸⁾. — Quodsi, ommissa hac paullo obscuriore summi boni descriptione, quaerimus, quomodo ad communem sensum et intelligentiam accommodate summum bonum definiverit²⁹⁾, invenimus eum hoc praecepisse, neminem in possessionem eius alia ratione venire posse, quam ut similitudinem³⁰⁾ quandam Dei per

die höchste Idee des erkennbaren Seyns. Die Ideen sind Grundlage des Seyns, welche ohne in der Erscheinung je vollkommen hervorzutreten überall auf ihr Seyn zurückweisen.

22) De Rep. VII. p. 518. c. *ξὺν ὅλῃ τῇ ψυχῇ ἐκ τῆ γιγνομένης περιακτέον εἶναι, ἕως ἂν εἰς τὸ ὄν καὶ τῆ ὄντος τὸ φανότατον δυνατὴ γένηται ἀνασχέσθαι θεωμένη τῷτο δ' εἶναι φάμεν τὰγαθόν.* Cf. Gotthilf Gernhard in Act. Soc. Graec. Lips. Vol. I. Fasc. II. p. 223.

23) Deum autem Plato dicit esse numen longe perfectissimum, fontem perennem omnis veritatis, pulchritudinis et virtutis, rationem infinitam, quae sempiterna eorum, quae revera sunt (των ὄντως ὄντων), contemplatione occupata sit. cf. Tim. p. 30. a. De Rep. II. p. 379. sq. Stallb. Philob. p. 22. Definitiones Platonis p. 411. a. *Θεὸς ζῶν ἀθάνατον, αὐταρκες πρὸς εὐδαιμονίαν ἑστία αἰδῖος, τῆς τὰγαθῆ φύσεως αἰτία.*

24) De Rep. X. p. 596. b. c.

25) Tim. p. 29. a. *εἰ μὲν δὴ καλὸς ἐστὶν ὁδε ὁ κόσμος, ὃ τε δημιουργὸς ἀγαθός, δῆλον ὡς πρὸς τὸ αἰδῖον ἔβλεπεν.* Alio loco mundum ἄγαλμα τῆ Θεῆ vocat. Cf. Buhn. ad Timaei Lexicon p. 6.

26) Cf. Stallb. I. I. p. 20.

27) De Rep. VI. p. 505. e. *ὃ (τὸ ἀγαθόν) διώκει μὲν ἅπασα ψυχὴ, καὶ τέτθ ἕνεκα πάντα πράττει, ἀπομαντενομένη τι εἶναι, ἀπορῆσα δὲ καὶ ἐκ ἔχουσα λαβεῖν ἱκανῶς τι ποτ' ἐστὶν, οὐδὲ πίπτει χρήσασθαι μονίμῳ, οἷα καὶ περὶ τὰλλα.*

28) Cf. Heusde. I. I. Vol. II. P. III. p. 100.

29) Noli autem de interiore quadam doctrina Platonis, sive ἐσωτερικῇ, cogitare. Cf. Ackermann, das Christliche im Platon p. 202. Nota 1. Caeterum de Platonis bono peculiarem libellum conscripserat Aristoteles. Cf. Brandis, Gesch. der Gr.-Röm. Philosophie. T. I. p. 27.

30) Hinc in Theaeteto, quo in dialogo magis, quid non sit scientia, quam quid sit, ostenditur, p. 176. a.

vitam omnem referre studeat. Ad similitudinem autem illam sive divinitatem eo facilius eoque tutius perveniet, quo magis veri ductus amore ad integram intaminatamque veritatem, pulchritudinem sinceramque virtutem sive per se sive per artes ac disciplinas atque virtutes processerit. Quam ipsam Platonis sententiam, quo melius ea perspiciatur, eo accuratius explicare luerit. Veritatem³¹⁾ enim non aliud intelligit, quam quod est, non fit ac nascitur, quod non aliud alio tempore est vel esse videtur, sed quod idem est perpetuo; pulchritudinem autem praestantiam illam intellexit, quae interna perfectione, non externa specie cernatur, quum alii eam contineri partium harmonia, alii varietate summa in summa unitate existimarent³²⁾; virtutem³³⁾ denique sanitatem, sive illam animi et corporis virium conspirationem atque concentum, qui cum veritate consentiat, sive harmoniam³⁴⁾, quae e consensu omnium cogitationum et actionum oriatur³⁵⁾.

διὸ καὶ πειρᾶσθαι χρὴ ἐνθένδε ἐκείσε φεύγειν ὅτι τάχιστα. φυγὴ δὲ ὁμοιώσεις θεῶν κατὰ τὸ δυνατόν ὁμοιώσεις θὲ δίκαιον καὶ ὄσιον μετὰ φρονήσεως γενέσθαι. cf. ib. Heindorf p. 401. Diog. Laert. 3, 78. Lipsius ad Stoic. phil. manu ductio L. II. dissert. XIX. Omnes enim germani Socratici virtutem vocabant καλοκάγαθίαν, ita ut nec pulchrum aestimarent, nisi quod bonum, nec bonum, nisi quod pulchrum esset. Cf. Xenoph. Memorab. 3, 8, 5. Similiter de Leg. IV. p. 716. b. δῆλον δὲ τὸτό γε, ὡς τῶν ξυνακολογησόντων ἐσόμενον τῷ θεῷ δεῖ διανοηθῆναι πάντα ἄνδρα. De Rep. X. p. 613. a. εἰ γὰρ δὴ ὑπὸ γε θεῶν ποτε ἀμελεῖται, ὅς ἂν προθυμείσθαι ἐθέλῃ δίκαιος γίγνεσθαι καὶ ἐπιτηδεύων ἀρετὴν, εἰς ὅσον δυνατόν ἀνθρώπῳ ὁμοιοῦσθαι θεῷ. Hinc Plutarchus de recta rat. audiendi c. 1. ταῦτόν ἐστι τὸ ἐπεσθαι θεῷ καὶ τὸ πείθεσθαι λόγῳ.

31) cf. Heusde L. I. Vol. II. P. III. p. 114. Aenesidemus ap. Sext. Empiric. adv. Mathem. VIII. 8. dixerat: ἀληθῆ μὲν εἶναι τὰ κοινῶς πᾶσι φαινόμενα, ψευδῆ δὲ τὰ μὴ τοιαῦτα. Stoici autem hoc ita definiebant, quod ita impressum est animo ex eo, unde est, ut esse non possit ex eo, unde non est.

32) Heusde Vol. I. p. 163. et Vol. II. P. III. p. 217.

33) De Rep. IV. p. 444. d. ἀρετὴ μὲν ἄρα, ὡς ἔοικεν, ὑγίειά τε τις ἂν εἴη καὶ κάλλος καὶ εὐεξία ψυχῆς, κακία δὲ, νόσος τε καὶ αἰσχος καὶ ἀσθένεια. Alio loco ἡ βελτίστη ἐστὶ θνητῷ ζῷος καθ' αὐτὴν ἐπαινετή. Saepe virtutem dicit id, quod rem, cui inest, in suo genere bonam perfectamque praestat. Cf. Grossmann, Spec. lex. Plat. Altenb. 1828.

34) Cf. Wyttenb. in Plat. Phaedonem p. 127.

35) Timaeus p. 81. e. μία δὲ σωτηρία πρὸς ἅμῳ, μήτε τὴν ψυχὴν ἄνευ σώματος κινεῖν, μήτε σῶμα ἄνευ ψυχῆς. De Rep. IX. p. 591. d. ὅγε νῦν ἔχων αἰετὴν ἐν τῇ σώματι ἁρμονίαν τῆς ἐν τῇ ψυχῇ ἕνεκα συμφωνίας ἁρμοττόμενος φαίνεται, ἐάνπερ μέλλῃ τῇ ἀληθείᾳ μισικός εἶναι. Ibid. III. p. 401. a. καὶ ἡ μὲν ἀσχημοσύνη καὶ ἀρῶνθ-μία καὶ ἀναρμωσία, κακολογίας καὶ κακοηθείας ἀδελφὰ, τὰ δ' ἐναντία τῇ ἐναντίῳ, σώφρονός τε καὶ ἀγαθὴ ἡθὺς, ἀδελφὰ τε καὶ μιμήματα.

Continetur autem virtus e Platonis sententia quatuor illis partibus, quarum prima est sapientia³⁶⁾, altera iustitia³⁷⁾, tertia temperantia³⁸⁾, quarta fortitudo³⁹⁾, quarum virtutum ordinem ac seriem pro diverso disputationis fine, quem sequitur, diverso modo constituit.

Sed praeter hunc modum ac rationem ad divinitatem propius accedendi, sive ad similitudinem quandam dei perveniendi, duas alias commemorat, quibus homo summi boni, quantum fieri potest, particeps fiat; quarum alteram voluptatum ac sapientiae prudentem coniunctionem⁴⁰⁾, alteram mortis meditationem⁴¹⁾ appellat. Nimirum, quum per commercium illud, quod corporis et animi est, homo duo⁴²⁾ bonorum genera sectetur, quorum

36) De Leg. III. p. 689. d. ἀλλ' ἡ καλλίστη καὶ μεγίστη τῶν συμφωνιῶν μεγίστη δικαιοσύνη ἂν λέγοιτο σοφία. Cf. Protag. p. 352. d. et Cic. de Fin. 5, 19. Veteres philosophi in beatorum insulis fingunt, qualis futura sit vita sapientium, quos nihil aliud acturos putant, nisi ut omne tempus inquirendo ac discendo in naturae cognitione consumant. Cf. Heusde I. I. Vol. III. P. I. p. 94.

37) De Rep. IV. p. 443. c. ἡ δικαιοσύνη — ἔ' περὶ τὴν ἔξω πρῶξιν τῶν αὐτῶ, ἀλλὰ περὶ τὴν ἐντὸς, ὡς ἀληθῶς περὶ ἑαυτὸν καὶ τὰ ἑαυτοῦ κ. τ. λ. Iustitiae notio apud orientales pariter atque occidentales gentes morum integritatem complectebatur, ut δίκαιος diceretur vir bonus omnibus virtutibus ad bene vivendum instructus. Cf. v. Heusde Vol. III. P. I. p. 117.

38) De Rep. IV. p. 431. e. ὁρᾷς ἔν, ὅτι ἐπιεικῶς ἐμαντενόμεθα ἄρτι, ὡς ἀρμονία τινὲ ἡ σωφροσύνη ὁμοίωται; Cf. Hoffmeisteri egregium libellum de Platonis σωφροσύνη. Iam Heraclitus, teste Stobaeo Serm. 3, 84., dixerat: σωφρονεῖν ἀρετὴ μεγίστη καὶ σοφίη, ἀληθεύα λέγειν καὶ ποιεῖν, κατὰ φύσιν ἐπαύοντας.

39) Protag. p. 360. d. ἡ σοφία ἄρα τῶν δεινῶν καὶ μὴ δεινῶν ἀνδρία ἐστίν. Et de Rep. IV. p. 429. c. ἔλεγον αὐτὴν (τὴν ἀνδρίαν) σωτηρίαν τὸ ἐν τε λύπαις ὄντα διασωῆσθαι αὐτὴν καὶ ἐν ἡδοναῖς καὶ ἐν ἐπιθυμίαις καὶ ἐν φόβοις καὶ μὴ ἐκβάλλειν. Cf. Snethlage, Ueber das ethische Princip der Platonischen Erziehung p. 8. Berlin 1834.

40) Philch. p. 61. e. ἔκῃν εἰ τὰ ληθέεστα τμήματα ἑκατέρας (τῆς τε ἡδονῆς καὶ τῆς ἐπιστήμης) ἴδοιμεν πρῶτον συμμίζαντες, ἄρα ἱκανὰ ταῦτα συγκεκραμένα τὸν ἀγαπητότατον βίον ἀπεργασάμενα παρέχειν ἡμῖν, ἢ τινος ἔτι προσδεόμεθα καὶ τῶν μὴ τοιούτων; ἐμοὶ γὰρ δοκεῖ δοῦν ἔγω. Ibid. p. 61. a. ἔκῃν τὸ γε τέλειον καὶ πᾶσιν αἰρετόν, καὶ τὰ παντάπασιν ἀγαθόν, ἐδέτερον ἂν τούτων εἴη; qui dialogus exercitationem omnino dialecticam continet, non ethicae Platonicae sive fundamenta sive doctrinam. Disputat autem in eo contra Democritum, Sophistas, Aristippum, alios, qui summum bonum in voluptate positum esse existimabant; ac postea docet, veram voluptatem e cognitione et virtute oriri. De Rep. IX. p. 585. d. εἰ ἄρα τὸ πληροῦσθαι τῶν φύσει προσηκόντων ἡδύ ἐστι, τὸ τῷ ὄντι καὶ τῶν ὄντων πληρόμενον μᾶλλον μᾶλλον ὅντως τε καὶ ἀληθεστέως χαίρειν ἂν ποιοῖ ἡδονῇ ἀληθεῖ.

41) Phaedo p. 67. d. τὸ μελέτημα αὐτὸ τῆτό ἐστι τῶν φιλοσόφων, λύσις καὶ χωρισμὸς ψυχῆς ἀπὸ σώματος, quae sententia fuit efficacissima ad doctrinam de abstinentia excitandam.

42) De Leg. I. p. 631. b. διπλᾶ δὲ ἀγαθὰ ἐστὶ· τὰ μὲν ἀνθρώπινα, τὰ δὲ θεῖα. ἥρτηται δ'

altera humana, altera divina Platoni dicuntur (humana enim sunt, bona valetudo, pulchritudo, robur ac divitiae; divina autem, prudentia, temperantia, iustitia et fortitudo), nonnisi temperamento quodam utrorumque felici ipsa felicitas⁴³⁾ effici potest.

Inprimis autem, quod bene tenendum est, contemptu humanarum rerum⁴⁴⁾ ac divinarum studio indefesso, siue praeparatione animi ad futuram vitam, ubi praemia amplissima virtute functum, poenae autem vitiis⁴⁵⁾ deditum certo manent, ad summum bonum pervenias. — Quibus expositis facile intelligitur, omnem Platonis philosophiam beatum vitae genus spectasse, neque ipsum in eo philosophorum genere esse referendum, qui virtutem unice propter se ipsam expetendam esse praeceperint, nulla prorsus felicitatis ratione habita⁴⁶⁾. Nam non modo cum virtute coniunctam esse docuit infinitam beatitatem, verum etiam post mortem constantes virtutis cultores, optima ac laetissima quaeque sperare iussit⁴⁷⁾.

Simillimam summi boni definitionem, licet aliam viam ac rationem in eo indagando

ἐκ τῶν θείων θάτερα. ἔστι δὲ τὰ μὲν ἐλάττωνα, ὧν ἡγεῖται μὲν ὑγίεια, κάλλος δὲ δεύτερον, τὸ δὲ τρίτον ἰσχύς, — τέταρτον δὲ δὴ πλῆθος. ὁ δὲ πρῶτον αὐτῶν θείων ἡγεμονὸν ἐστὶν ἀγαθόν, ἡ φρόνησις, δεύτερον δὲ μετὰ νῦν σώφρων ψυχῆς ἔξις, — τρίτον ἂν εἴη δικαιοσύνη, τέταρτον δὲ ἀνδρία.

43) Quare Socrates in Phaedro p. 279. b. ita dicit: ὦ φίλε Πάν τε καὶ ἄλλοι ὅσοι τῆδε θεοί, δοίητέ μοι καλῶ γενέσθαι τᾶνδοθεν τάξωθεν δὲ ὅσα ἔχω, τοῖς ἐντὸς εἶναί μοι φίλια.

44) Phaedo p. 65. c. ἡ τῷ φιλοσόφῳ ψυχὴ μάλιχα ἀτιμάζει τὸ σῶμα, καὶ φεύγει ἀπ' αὐτῆς, ζητεῖ δὲ αὐτὴ καθ' αὐτὴν γίνεσθαι. Et p. 114. c. Impedit autem corpus animum, quo minus verum cernat. Phaed. c. 10. et 27. Pravis cupiditatibus eum perturbat. Ib. c. 11. et 33. Commendat inprimis σωφροσύνην, quam in Phaedone p. 68. c. esse dicit, τὸ περὶ τὰς ἐπιθυμίας μὴ ἐπτοῆσθαι, ἀλλ' ὀλιγώρως ἔχειν καὶ κοσμίως.

45) Cf. Phaed. p. 113. d. et V. D. Crome Programma de mythis Platoniciis inprimis de Necyis. p. 10. Düsseldorf 1835.

46) Cf. V. D. Reinhold in Epistolis, quas de philosophia Kantiana scripsit, T. II. Ep. 7. 11. ubi ostendit, omnes fere veteres philosophos in summo bono definiendo eodem vitio laborasse, ex quo utilitatis studio superstruxerint principia philosophiae moralis. Cf. I. A. Tittmanni Opuscula p. 12.

47) Phaedon c. 29. p. 81. a. (cf. c. 62. p. 113. sq. et Stallb. Phileb. Proleg. p. 31.) ἐκὼν ἔγω μὲν ἔχουσα εἰς τὸ ὁμοιον αὐτῇ τὸ αἰδὲς ἀπέρχεται, τὸ θεῖόν τε καὶ ἀθάνατον καὶ φρόνημον, οἷ ἀφικομένη ὑπάρχει αὐτῇ εὐδαίμονι εἶναι, πλάνης καὶ ἀνοίας καὶ φόβου — ἀπὴρ-λαγμένη; κ.τ.λ. Unde recte Heusde I. I. Vol. II. P. III. p. 79.: Quemadmodum Socratem recte dixerant (Cic. Tusc. 5, 4.) philosophiam de coelo in terras devocasse, ita haud scio an Platonem illam e terris in coelum reduxisse certo quodam sensu contendere liceat.

et inveniendō secutus, exhibuit Aristoteles, Peripatēticae scholae auctor, quem nescias an recte dixeris Ingenii quidem excellentia et ubertate magistro suo inferiore, acumine autem et doctrina eodem superiore fulsisse⁴⁸⁾. Dissensit⁴⁹⁾ autem optimus discipulus ab optimo magistro partim de principiis⁵⁰⁾, a quibus in doctrina morum explicanda profectus est, partim de disputandi⁵¹⁾ via, quam ineundam sibi putavit. Primum enim Aristoteles plane reiecit Ideas⁵²⁾, quas mirifice amplexatus erat Plato; atque quum hic traduceret philosophum futurum in mundum non adspectabilem (νοητόν), ut de mundo adspectabili (ὁρατῷ) iudicaret, ille mundum adspectabilem in eum, qui adspectabilis non est, transtulit, itaque ipse causas rerum in rebus quaesivit, quum Plato causas rerum in homine quaesivisset, qui ideas sequeretur⁵³⁾. Deinde, quum Plato a ratione ad sensus et ab universalibus ideis ad singulares res pergere solitus⁵⁴⁾ esset, Aristoteles a sensibus ad rationem pergebat, et univer-

48) Cf. Krug de poetica philosophandi ratione, qui Platonem interdum vividiorē quodam phantasiae impetu abreptum in opiniones incidisse nec secum ipsis nec cum rationis legibus sat congruentes contendit.

49) Cf. egregiam commentationem Mureti de eo, sitne inter Platonem et Aristotelem verborum tantum an rerum et sententiarum discrepantia. Opusc. Vol. III. p. 187. Et Heumann Acta philos. T. II. p. 568. Welsse de Plat. et Arist. in constituendis summis philos. principiis differentia. Lips. 1828., quem librum consulere mihi, pro dolor, non licuit. Ackermann, das Christliche im Plato, de discrimine Aristotelis et Platonis p. 107—123., ubi Raphaelē Urbinatē ab eo praedicat, quod Platonem et Aristotelem aptissime ita deplaxerit, ut alterum sursum oculos tollentem, alterum vultu in terram defixo exhibuerit.

50) Arist. Ethic. Nicom. L. 1. c. 2. μή λανθανέτω δ' ἡμᾶς, ὅτι διαφέρουσιν οἱ ἀπὸ τῶν ἀρχῶν λόγοι καὶ οἱ ἐπὶ τὰς ἀρχάς· εὖ γὰρ καὶ Πλάτων ἡπύρει τῷτο καὶ ἐξήτει, πότερον ἀπὸ τῶν ἀρχῶν ἢ ἐπὶ τὰς ἀρχάς ἐστὶν ἡ οὐδός.

51) Non enim dialogi forma usus est ambigua ista nec satis definita, sed dogmatico, quod vulgo dicunt, dicendi genere.

52) Arist. Ethic. Nicom. L. I. c. 4. τὸ δὲ καθόλου βέλτιον ἴσως ἐπισκέψασθαι καὶ διαπορῆσαι πῶς λέγεται, καίπερ προσάντας τῆς τοιαύτης ζητήσεως γινομένης διὰ τὸ φίλος ἄνδρας εἰσαγαγεῖν τὰ εἶδη. — ἀμφοῖν γὰρ ὄντων φίλοι οἷον προτιμᾶν τὴν ἀλήθειαν. Metaph. L. I. c. 9. p. 991. ed. Bekker. τὸ δὲ λέγειν παραδείγματα αὐτὰ (τὰ εἶδη) εἶναι καὶ μετέχειν αὐτῶν τὰλλα κενολογεῖν ἐστὶ καὶ μεταφορᾶς λέγειν ποιητικῆς. Et Anal. posth. 1, 19. τὰ γὰρ εἶδη χαιρέτω, τετερίσματα γὰρ ἐστὶ. cf. Tennemann Gesch. d. Philos. T. IV. p. 48—53.

53) v. Heusde Vol. II. P. III. p. 79. Stallb. Philob. Proleg. p. 20. Cf. Notam 47.

54) Hinc Atticus ap. Enseb. Praep. Ev. XV. 13. Ἀριστοτέλης λεπτή καὶ ταπεινὴ δριμύτης, ἥτις διαδύναται μὲν τῶν ἐπὶ γῆς πραγμάτων καὶ τῶν ἐν τέτοις ἀλήθειαν ἰδεῖν ἐδύνατο, τῆς δὲ ὄντως ἀληθείας ἐποπτεῦσθαι τὸ πανεύδιον ἐχούσα τε ἢ αὐτῶν.

sales ideas e singularibus rebus colligebat. Denique quum Plato vitae usum in philosophando optimamque erudiendi perficiendique hominis rationem semper spectandam putasset, Aristoteles inde philosophiae praestantiam ducebat, quod, quum caeterae doctrinae ad vitae usum referrentur, hanc unam per se ipsam tractandam esse profiteretur⁵⁵⁾. Unde neminem, puto, mirari subierit⁵⁶⁾, quod in tribus illis libris⁵⁷⁾, quos de doctrina morum scripsisse dicitur, nunc Platonis, qui omnem philosophandi rationem ad veritatem⁵⁸⁾, nunc eorum, qui omnia ad naturae vim⁵⁹⁾ unam ac solam revocarent, rationem habuisse, quum proximi ab eo philosophi admirationem sui apud vulgus excitaturi, dum nova et inaudita afferrent, de veritate parum laborarent⁶⁰⁾.

Postquam igitur monuit, inanem operam esse, omnes opiniones de summo bono expendere, seque tantum eas, quae sint insigniores, quaeve aliqua ratione niti videantur in medium prolaturum esse⁶¹⁾, una cum Platone magistro neque⁶²⁾ in voluptate, neque in divitiis, neque in honore, neque in scientia⁶³⁾, neque in ipsa virtute summum bonum

55) Cf. Dan. Wytttenbachii praecepta philos. logicae p. 75. Halae 1794.

56) Heusde I. I. Vol. II. P. III. p. 99.

57) 1. *Ἠθικὰ Νικομάχεια*. 2. *Ἠθικὰ μεγάλα*. 3. *Ἠθικὰ Εὐδήμεια*. cf. Schoell Griech. Litter. T. II. p. 172.

58) Cf. Heusde I. I. Vol. II. P. III. p. 50.

59) Cic. de Fin. 4, 26. Aristoteles reliquique Platonis alumni aiunt, se omnia, quae secundum naturam sint, bona appellare, quae autem contra, mala. Unde Iuvenalis Sat. XIV. 321.

Nunquam aliud Natura, aliud Sapientia dicit.

60) Stoicos cogita, qui, quasi corporis expertes sint homines, summum bonum animo solum complectuntur. Cic. de Fin. 5, 8. Restant Stoici, qui, quum a Peripateticis et Academicis omnia transtulissent, nominibus aliis easdem res secuti sunt. Et c. 19. Quemadmodum in senatu semper est aliquis, qui interpretem postulet, sic isti nobis cum interprete audiendi sunt.

61) Ethic. Nicom. I. I. c. 2. ἀπάσας μὲν ὅν ἐξετάζειν τὰς δόξας μαισιώτερον ἴσως ἐστίν, ἱκανὸν δὲ τὰς μάλιστα ἐπιπολαΐσας ἢ δοκῶσας ἔχειν τινὰ λόγον.

62) Arist. Ethic. Nicom. 1, 9. τοῖς μὲν γὰρ ἀρετῇ (Zenoni), τοῖς δὲ φρόνησις (Socraticis), ἄλλοις δὲ σοφία (Platonī) τις εἶναι δοκεῖ, τοῖς δὲ ταῦτα ἢ τῶν τι μεθ' ἡδονῆς ἢ ἐκ ἄνευ ἡδονῆς (Platonem fortasse innuit). ἑτεροὶ δὲ καὶ τὴν ἐκτὸς εὐετηρίαν σιμπα-ραλαμβάνουσιν (Aristippus cum discipulis). Ibidem haec leguntur: ἔθεν δὲ προσδεῖται τῆς ἡδονῆς ὁ βίος αὐτῶν (τῶν φιλοκάλων), ὥσπερ περιάπτει τινὸς, ἀλλ' ἔχει τὴν ἡδονὴν ἐν ἑαυτῷ.

63) Recte Muretus Opusc. T. III. p. 183. Nos autem ex Aristotelis sententia tantum quidem tribuimus virtuti, ut neque qui eam habeat, etiamsi caeteris omnibus careat, miserum, neque a quo illa absit, etiamsi aliis omnibus affluat, felicem esse posse fateamur; neque tamen illud quoque damus, eam

ponendum esse pronuntiat. Voluptatem enim ait vanam, fluxam ac caducam rem esse, divitias autem celerrime eripi posse, honorem vero in iis potius situm esse, qui honorem deferant, quam in iis, qui honore afficiantur, scientiam denique saepe ad comparandam felicitatem parum valere, adeo virtutem ipsam mancam⁶⁴⁾ et imperfectam esse, quum saepe maximis in malis ac calamitatibus versetur. Quare Aristoteles felicitatem pariter atque Plato non aliunde quam ex utroque naturae ac fortunae honorum genere nasci dicit, id est, quum e sempiterno virtutis studio, tum e copia externarum rerum sat affluente⁶⁵⁾.

Beatum enim dicit, qui omnes actiones suas perfecta virtute dirigat, bonisque externis mediocriter instructus sit, non ad quodlibet tempus, sed per vitam perfectam⁶⁶⁾. Quam summi boni definitionem iam accuratius, ut paullo ante Platonice illustravimus, explicaturi sumus. Virtutem igitur dicit mediam⁶⁷⁾ quandam rem esse, ex praestantia autem et perfectione summam⁶⁸⁾; mediae enim res⁶⁹⁾ non aliae sunt, quam quas recta ratio probat. Virtus autem ipsa, quae neque affectio⁷⁰⁾, neque potestas aliqua ac vis, sed habitus dicitur, partim⁷¹⁾ in contemplando partim in agendo versatur; in cognitione

esse summum hominis bonum, aut in quo ea sit, nihil ei deesse posse ad bene beateque vivendum. Ethic. Nicom. 10, 9. δέήσει δὲ καὶ τῆς ἐκτὸς εὐημερίας ἀνθρώπῳ ὄντι· ὃ γὰρ αὐτάρκης ἢ φύσις πρὸς τὸ θεωρεῖν, ἀλλὰ δεῖ καὶ τὸ σῶμα ὑγιαίνειν καὶ τροφήν καὶ τὴν λοιπὴν θεραπείαν ὑπάρχειν.

64) Ethic. Nic. 1, 10. τὸ γὰρ τῆς ἀρετῆς ἄθλον καὶ τέλος ἄριστον εἶναι φαίνεται καὶ θεῶν τι καὶ μακάριον.

65) Ethic. Nicom. 1, 10. et 1, 9. φαίνεται δ' ὁμοῦ καὶ τῶν ἐκτὸς ἀγαθῶν προσδεομένη (ἢ εὐδαιμονία)· ἀδύνατον γὰρ ἢ ὁ ῥᾶδιον τὰ καλὰ πράττειν ἀχορήγητον ὄντα. πολλὰ μὲν γὰρ πράττεται, καθάπερ δι' ὀργάνων, διὰ φίλων καὶ πλάττει καὶ πολιτικῆς δυνάμεως. Unde 1, 8. σχεδὸν γὰρ εὐζωΐα τις εἴρηται καὶ εὐπραξία.

66) Ethic. Nic. 1, 11. τί ἔν κωλύει λέγειν εὐδαιμόνα τὸν κατ' ἀρετὴν τελείαν ἐνεργῶντα καὶ τοῖς ἐκτὸς ἀγαθοῖς ἱκανῶς κεχορηγημένον, μὴ τὸν τυχόντα χρόνον, ἀλλὰ τέλειον βίον; Et 1, 8. νεμεμημένων δὲ τῶν ἀγαθῶν τριχῇ, καὶ τῶν μὲν ἐκτὸς λεγομένων, τῶν δὲ περὶ ψυχὴν καὶ σῶμα, τὰ περὶ ψυχὴν κυριώτατα λέγομεν καὶ μάλιστα ἀγαθὰ.

67) Ethic. Nic. 2, 5. μεσότης τις ἄρα ἐστὶν ἡ ἀρετὴ, σοφιστικὴ γε ὅσα τῇ μέσῃ.

68) Ib. c. 6. κατὰ μὲν τὴν εἰσὶν μεσότης ἐστὶν ἡ ἀρετὴ, κατὰ δὲ τὰ ἄριστον καὶ τὸ εὖ ἀκρότης.

69) Ethic. Nic. 6, 1. τὸ δὲ μέσον ἐστὶν, ὡς ὁ λόγος ὁ ὀρθὸς λέγει. Recta autem ratio Ciceroni de Off. 1, 4. dicitur, quae veras, prava, quae falsas opiniones sequitur.

70) Ethic. Nic. 2, 4. εἰ ἔν μήτε πάθῃ εἰσὶν αἱ ἀρεταὶ μήτε δυνάμεις, λείπεται ἔξεις αὐτάς εἶναι.

71) Ib. 1, 13. λέγομεν γὰρ αὐτῶν (τῶν ἀρετῶν) τὰς μὲν διανοητικὰς, τὰς δὲ ἡθικὰς.

autem positae sunt sapientia, intelligentia, prudentia, in actione liberalitas ac temperantia.

Virtus enim licet praeclara quaedam ac divina res per se ipsa sit⁷²⁾, tamen ad res praeclare agendas externis velut instrumentis eget⁷³⁾. Neque vero propterea existimandum est, multa et magna virum beatum desideraturum esse. Ne multa, ut summa felicitate aliquis fruatur, non ad tempus aliquod, sed per vitam perfectam semper ea bona adsint necesse est.

Perfectam autem vitam intelligit longissimam, non eam, quae, quantum satis est, instructa bonis corporis et externis sit⁷⁴⁾. Quodsi quaeritur, utrum felicitas vel doctrina effici, vel consuetudine acquiri, vel alia quadam exercitatione comparari possit, an potius divinitus, an etiam fortuito obveniat⁷⁵⁾, consentaneum profecto est, si quod aliud a diis munus est hominibus datum, felicitatem quoque a diis immortalibus donari, ideoque, quod ipsa rerum humanarum longe est optima. Nam quum duo sint genera eorum, quae divinitus dantur, unum eorum, ad quae nihil confertur a nobis, ut forma, nobilitas; alterum eorum, quorum nos quoque auctores sumus; felicitatem ex hoc posteriore genere esse dixeris. Nam datur a deo, et tamen non datur otiosis ac nihil agentibus, sed iis, qui exercitatione et consuetudine se ipsi ad omnem scientiam, virtutem atque honestatem colendam compararunt. Quamobrem quum tria sint vivendi genera, maxime insignia, unum eorum, quod totos se conferunt ad contemplationem ac cognitionem rerum, alterum eorum, qui

σοφίαν μὲν καὶ σύνεσιν καὶ φρονησὶν διανοητικὰς, ἐλευθεριότητα δὲ καὶ σωφροσύνην ἠθικὰς. Quibus haec addit 2, 1. ἡ μὲν διανοητικὴ τὸ πλεῖον ἐκ διδασκαλίας ἔχει καὶ τὴν γένεσιν καὶ τὴν αὐξήσιν, ἡ δὲ ἠθικὴ ἐξ ἑθὺς περιγίνεται, ὅθεν καὶ τὸ νομα ἔσχηκε μικρὸν παρεκκλῖνον ἀπὸ τῶ ἑθὺς κ. τ. λ.

72) Cf. Nota 64.

73) Ethic. Nic. 2, 2. ὑπόκειται ἄρα ἡ ἀρετὴ εἶναι ἡ τοιαύτη περὶ ἡδονὰς καὶ λύπας τῶν βελτίων πρακτικῇ. Et 7, 14. οὐδεμία γὰρ ἐνέργεια τέλειος ἐμποδιζομένη, ἡ δ' εὐδαιμονία τῶν τελείων. διὸ προσδεῖται ὁ εὐδαίμων τῶν ἐν σώματι ἀγαθῶν καὶ τῶν ἐκτὸς καὶ τῆς τύχης, ὅπως μὴ ἐμποδίζηται ταῦτα.

74) Ethic. Nic. 1, 6. τὸ ἀνθρώπινον ἀγαθὸν ψυχῆς ἐνέργεια γίνεται κατ' ἀρετὴν — ἔτι δ' ἐν βίῳ τελείῳ. μία γὰρ χελιδὼν ἕαυτὴ ποιεῖ, ἑδὲ μία ἡμέρα ἔτω δὲ ἑδὲ μακάριον καὶ εὐδαίμονα μία ἡμέρα, ἑδ' ὀλίγος χρόνος. Muretus Opusc. T. III. p. 204. ἐνέργειαν exercitationem animi interpretatur.

75) Ethic. Nic. 1, 10. ὅθεν καὶ ἀπορεῖται, πότερόν ἐστι μαθητὸν ἢ ἐθιστὸν ἢ ἄλλως πως ἀσκητὸν, ἢ κατὰ τινα θείαν μοῖραν ἢ καὶ διὰ τύχην παραγίνεται. Ac paullo post: φαίνεται δὲ καὶν, εἰ μὴ θεόπεμπτός ἐστιν, ἀλλὰ δι' ἀρετὴν καὶ τινα μάθησιν ἢ ἀσκήσιν παραγίνεται, τῶν θειοτάτων εἶναι.

capessunt rempublicam et in agendis rebus versantur, tertium eorum, qui ad voluptatem referunt omnia, non dubium est, quin perfecta felicitas ea vita contineatur, quae menti convenienter traducitur, atque in rerum contemplatione posita est. Ac sane quo maior contemplandi assiduitas in aliquo inerit, eo similior haec deorum vitae erit ac sapiente dignissima.

Sed haec hactenus. Monendus enim est lector huius libelli, si forte miratus fuerit, cur a scriptore disputationis huius primae huic particulae altera adiuncta non sit, non aliam eius rei causam fuisse, quam legem quandam nuper ei scriptam, ex qua commentatio haec angustioribus quam superiores finibus ac cancellis circumscribenda esset. Cui legi ac normae quum diligenter obtemperandum esset, non solum secunda ista particula ab eo omissa est, verum etiam disputationes illae in aliud tempus dilatae sunt, quarum altera argumenta pro his sententiis allata explicaturus, altera autem ipsa pondera horum argumentorum examinaturus erat. Institutur autem hae disputationes, si deo placuerit, ab eodem alio ac magis opportuno tempore, et instituentur ita, ut, quantum in ipso est, desideriis eorum, quorum in usum haec ipsa conscripta sunt, id est, discipulorum suorum satisfaciat quam maxime.

76) Ethic. Nicom. 10, 8. ἡ δὲ τελεία εὐδαιμονία ὅτι θεωρητικὴ τίς ἐστιν ἐνέργεια, καὶ ἐντεῦθεν ἂν φανείη — ἡ τῷ Θεῷ ἐνέργεια, μακαριότητι διαφέρειν, θεωρητικὴ ἂν εἴη καὶ τῶν ἀνθρωπίνων δὲ ἡ ταύτη συγγενεσάτη εὐδαιμονικωτάτη, — ὥς' εἴη ἂν ἡ εὐδαιμονία θεωρία τις.

Schul-Nachrichten.

Erster Abschnitt.

Allgemeine Lehrverfassung.

A. Religionslehre.

I. Für die katholischen Schüler.

1. **Prima.** Die Lehre von Gott und seinen Eigenschaften. Die Lehre von der Erschaffung, Erhaltung und Weltregierung Gottes. Die Lehre von den guten und bösen Geistern. Lesung aus dem Evangelisten Lucas nach dem Grundtexte und der Vulgata. 2 St.
2. **Secunda superior und inferior.** Die Lehre von der katholischen Kirche und dem unfehlbaren Lehramte in derselben. Die Lehre von Gott und seinen Eigenschaften. Lesung der Bergpredigt bei Matthaeus. 2 St.
3. **Tertia.** Die Lehre von den h. Sakramenten. 2 St.
4. **Quarta.** Biblische Geschichte des N. T. — Jesus Christus unser Erlöser. 2 St.
5. **Quinta.** Biblische Geschichte des A. T. — Die Lehre von den h. Sakramenten, und besonders der Buße und des Altars. Kurze Sittenlehre. 2 St.
6. **Sexta.** Biblische Geschichte des A. T. — Gott unser Schöpfer, Erlöser und Heilmacher. 2 St. Religionslehrer von den Driesch.

II. Für die evangelischen Schüler.

1. **Prima.** Ausführliche Darstellung der christlichen Religionslehre, zweite Hälfte: die christliche Lebenslehre. Geschichte der christlichen Religion, erste Hälfte. Lesung und Erklärung des Evangeliums Matth. und der Briefe an den Timoth. im Grundtexte. 2 St.
2. **Secunda superior und inferior.** Einleitung in die heiligen Schriften des A. und N. T., zweite Hälfte: besondere Einleitung in das N. T., verbunden mit einer erläuternden Lesung einzelner Bücher und Abschnitte desselben. Kurze Geschichte des christlichen, besonders des deutschen Kirchengesanges, mit Angabe der bedeutendsten christlichen Kirchenlieder. 2 St.
3. **Tertia.** Die Grundlehren des Christenthums in einer kurzen Wiederholung der christlichen Glaubenslehre und einer genaueren Erörterung der christlichen Lebenslehre. Geographie des heiligen Landes. Geschichte der geoffenbarten Religion des A. und N. T. mit steter Benutzung der Bibel. 2 St.
4. **Quarta.** Kurze Einleitung in die biblischen Schriften. Die Grundlehren des Christenthums in einer genaueren Erörterung der christlichen Glaubenslehre und einer kurzen Uebersicht der Pflichtenlehre. 2 St. Consistorial-Rath, Prof. Bude.
5. **Quinta.** Geschichten und Lehren des A. T. von Hosea an, und die des N. T., nach Kohlrausch. 2 St.
6. **Sexta.** Geschichten und Lehren des A. T. bis zu den Königen, nach Kohlrausch. 2 St. Oberlehrer Grasshof.

